



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 33. De cambio tum in genere, tum in particulari, de sicco & de minuto,

[urn:nbn:de:hbz:466:1-78477](#)

culum amittendi pensiones, imminet ex ipsarum statu, quo tantum sunt in rerum potentia, merito iudicari de se minus valere quam possit in actu. In illo autem censu personali de quo loquitur, periculum totum pendet ex personis, ex quibus non penderat valor pensionum soluendarum, quae debentur tanquam fructus positi in actu. Cuius generis periculum non facere pensiones ipsas minus valere, quam sit tota earum quantitas percipienda, ex eo pater, quod aliqui possit in mutuo accipi aliquid ultra fortrem, quandoque mutui debitum pendet a mutuatarij, & bonorum ipsius incolumente exposita passim pericula. Adeoque utura subinde esset licita: quod dici nullo modo potest. Negandum tamen non est, quin ut in aliis censibus, ita & in hoc ratione verisimilis periculi non recipiendi pensiones, aut non nisi cum difficultate, vel expensis recipiendi, alisque de causis, minui possit pretium quo talis census emendatur. Nam vero, non nisi cum talium consideratione, tale pretium videtur seruata iustitia & equitate, determinari posse.

DE CENSU constituto ad tempus incertum (qui vitalitus dico) dicitur, quod ad vitam sive clementiam, sive vendictam, sive etiam alterius soleat esse) superest monendum iuxta plenius tradita per Medina in Cod. De acquisitionis per usuram quest. 14. pretium ipsius censeri iustum, quando pensionibus percipiendis est proportionatum, iuxta spem quodatur, quod census pse plus, vel minus durabit attentis circumstantiis. Nihil refert vero, quod forte percipiuntur pensiones plures, quam fuerit quantitas pretij, quia cum pauciores quoque percipi potuerint, par est periculum pro utroque contrahentium. Ita præter Medinam aperte sentiunt Sotus en. 6. De iust. & iure quest. 5. art. 2. in fine, pluresque alij quos refert & sequitur Molina in memorato tract. 2. dispu. 388. & passim recentiores. Probatur vero, quia iniustitia non committitur vbi æqualitas seruatur, prout sit in proposito; vbi ille qui plus accepit, fuit in pari periculo minus accipiendo: sique minus accepisset, alterum iniustitiae minime arguisser. Accedit quod census vitalitus, sit quædam res communis hominum iudicio estimabilis certo pretio, quod fere semper minus, quam pensiones speratae statuitur, eo nomine; quod nemo alioqui vellet illum emere, ob maiorem commoditatem pecuniae presentis, quam in futurum expectatae cum multis periculis. Atque de censu ad proximam sufficienter haec tenus. Si quæ alia addenda viderentur, vel ex illis satis intelligi possunt, vel in praxi sunt adeo periculosa, vt dissimaderi debeant, vel adeo insolita; quod securior & facilitior sit vobis aliorum, & maxime eorum, bona ex parte, de quibus dictum est haec tenus.

CAPUT XXXIII.

Decambio tum in genere, tum in particulari desco, & de minuto.

SUMMARIUM.

- 438 Triplex permutatio, & que cambij nomine significetur.
 439 Quid sit cambium sicutum, seu siccum: quidque verum seu reale, & eiusdem varia diuisio.
 440 Cambium non esse ex natura sua illicitum.
 441 De lucro quod in eo potest licite accipi.
 442 Cambium sicutum illicitum est ex natura rei.
 443 Modi quibus tale cambium contingit.
 444 Unde iustificetur acceptio lucri ex cambio minuto.
 445 Quatenus licet hominibus priuatis ex eo ipso cambio lucrum facere.
 446 Licitum est lucrum quod camporū facit dando pretium iubum pro monetā que non currit.
 447 Quando liceat campori pecuniā in maiorī valore computare, quam taxata sit. & quando non liceat.
 448 Id negat Medina licere ex nomine quod moneta sit melioris materie; sed contrarium videatur cum aliis tenendum.
 449 Sola orationis Medina.
 450 Quando licet economo per cambium pecunie sibi à domino committere facere lucrum.

Valerij Par. III. Tom. 2.

QUESTIO V.

Quid, & quotuplex sit cambium.

CAMBIVM est lucrosa permutatio pecuniae, pro pecunia. Vbi adiuverte triplicem esse permutationem, unam reciproce, ut olei pro frumento, vel vino: quæ proprio nomine carens retinet generale nomē permutationis: alteram rei pro pecunia, quæ emptio, & venditio dicitur: & tertiam numismatis pro numismate, hæc dicitur cambium: quod duplex est, vñ gratutū seu liberale, quo quis gratis mutat numismata pro numismate, de quo non est in praesentia servo: alterum lucrosum, quale exercent in Repub. illi qui voluntur campores, ex officio permutantes pecunias pro pecuniis, ut lucrum accipiant: istudque est de quo agitur hoc loco. Et dividitur à Natur. in septem Species, ut videre est in Enchir. cap. 17. num 283. litera B, sed commodius diuidi potest primo in fictum, & verum seu reale.

AC FICTVM, quod etiam dicitur siccum, tanquam carens suo ad fractiſ andum, est cambium nominetens, re ipsa vero mutuum velatum nomine, & specie cambij: cum non sit aliud, quæ pecuniae permutatio secundum tempus simpliciter: seu pecuniae praesentis pro futura, ita ut temporis mora sit tota causa propter quæ lucrum in eo accipiat. Cambium autem verum seu reale, est in quo sit vera permutatio pecuniae pro pecunia, & distinguitur. Primo, in simplex & mixtum. Simplex est, ex Molina in Cod. De acquisitionis per usuram quest. 5. permutatio pecuniae pro alia pecunia diffimili statim tradenda, cui non est admixtus alius contractus, nec diuersitas alia, quam numismatum que permutatur. Mixtum vero, est in quo alia, quam numismatum diuersitas concurrunt: ratione cuius admiscentur ei alius contractus, maxime auctem venditio, locatio, & asecuratio.

Secundo, idem reale distinguitur in minutum & locale: minutum, quod & manuē dicitur, est permutatio pecuniae praesentis cum praesenti, aut quo maiores pecuniae pro minoribus, vel contra, permutantur: ut aurea pro argenteis vel æreis: fractæ, arrasæ, dubij valoris, in paucis prouinciis recipienda, minoris ponderis, impiororis, ac imperfectioris materie, & omnino detestiores permutatur pro melioribus. Locale autem cambium est permutatio pecuniae praesentis pro absenti, secundum locum: seu quod sit ex uno loco in alium. Ipsumque est triplicis generis: primum quando hic do alibi recepturus: secundum, quando hic recipio, alibi redditus: tertium quando ego permuto pecuniam quam hic habeo cum ea quam alibi habes. Quanquam autem illud quod est primi generis, ad siccum reducere videantur Angelus usurpa. 1. §. 54. Taberna usurpa 15. §. 3. & Sylva usurpa 4. quest. 9. potius tamen cum Soto in sexto de iust. & iure q. 10. art. 1. reducendum esse ad locale patet: quia sicut in secundo genere camporū subit onus transferendi pecunias ex loco vbi eas accipit, ad locum vbi easdem est soluturas: sic in illo subit onus eas aduehendi ad locum vbi ipsas dat, ut potentibus cambia, habeat ibi paratas.

QUESTIO VI.

An cambium sit licitum?

NON esse ex natura sua illicitum, patet: quia quod est in Repub. necessarium; consentaneum est aliqua honesta ratione exerceri posse aliqui enim hominum generi & cōiunctui non esset sufficienter prouisum. At cambium est in Repub. necessarium, ut contractum ex diuerso valore numismatum, sive eiusdem sive diuersæ speciei, & materie, in diuerso loco, & tempore: tum ex varia hominum indigentia, tam in eodem, quam in diuerso loco: tum ex commoditate & securitate pecuniam transferendi ex uno loco in aliū. Accedit quod ars cambiandi eadem ratione, qua mercatura, sit approbata; utraque enim par ratione occupatur in mercibus: nam eti primarius vobis ad quem inuenies sunt pecuniae, sit ut rerum venialium essent mensura: quia tamen ex contractu certa materia, figura & signo publico; aliquando sunt meliores, aliquando deteriores, aliquando absunt, aliquando praesentes sunt, aliquando abundant, aliquando deficiunt, aliquando oportet eas transferre, aliquando aliunde

438.

439.

440.

aduehere sicut merces: ea causa introductus est secundarius usus, quo perinde ac merces inter se permuntantur, quatenus res quædam sunt, venduntur, aut locantur ratione materia, vel figura ac signi, vel ratione præficiæ, aut absentiæ, vel alia de causa.

441. Et certe commune est omnibus osteribus; etiam non estimabilibus pretio; ut lucrum peti possit ob laborem annexum in eis obeundis, prout vnuenire videmus iudicibus, testibus, & Clericis in usu suorum ministeriorum. Sed officium cambiandi haber an ex usum labore, v.g. conquirèdi magnâ pecunia copiam, conquisita conservâdi, faciendi ratione, accipiendo syngraphas, attendendi ac consumendi tempus in eo negotio; quibus adde & periculum errandi in numerandis pecunias. Quare pro eo peti potest luerum. Quod quantum esse debeat, ne cambium sit illicitum, intelligendum est ex legi taxatione, vel communi estimatione peritorum: puta camporum, aut mercatorum, qui considerare debent causas ob quas una pecunia potest pluris valere, quam alia.

Quæ causæ ex Nauar. in Enchir. cap. 17. num. 283. litera. I. sunt primo, diuersitas metalli: secundo, diuersitas bonitatis eiusdem metalli: tertio, diuersitas formæ & ponderis: quarto, diuersitas locorum: quinto, diuersitas temporis: sexto, reprobatio monetae ex toto, vel ex parte: septimo, illius copia velipopia: octavo, eiusdem præsentia. Quibus addeæctus varios labores, industrias, & expensas in exercendo cambio: itemque officium, onera, & obligationem camporum, certitudinem ac magnitudinem lucri cessantis, aut danni emergentis, & aliorum periculorum, si quæ inde immineantur: & denique camporum, aut campariorum copiam aut penuriam. Arque hæc in genere de cambio. Consequenter docendum est in particulari quid de variis cambijs speciebus tenere oporteat.

QVÆSTIO VII.

Quid in particulari dicendum sit de cambio sicco.

442. DE cambio sicco inter Doctores conuenit, ipsum ex natura rei illicitum usurarium esse: quod Sotus expressit lib. 6. de iust. & iure quest. 10. art. 2. Et ratio est quia ipsi exercetur exigendo lucrum ob solam temporis dilationem. Tale autem exercitum consistit in eo quod camporū nunc det pecunias, alio tempore eas cum actario ibi recepturus, vbi illas dat: quod est ob solam dilationem solutionis, & ratione tantum temporis (quod de se non varia pecunia vaorem) ultra fortem aliquid accipere: in quo corammittitur iniustitia usuraria. De qua re videndum est Nauar. in Enchir. cap. 17. num. 283. lit. M.N. Vbi & habet Bullam Pij V. per quam illiusmodi cambium damnatur. Non est tamen negandum, quin ipsum ob diuersitatem temporum sepe iustificetur: non quidem ratione temporis, sed ratione interesse lucri cessantis, aut danni emergentis, quod concurredit cum tali tempore. Id enim patet ex communī doctrina de eodem interesse tradita in praed. lib. 23. cap. 6. & duobus sequentibus. Quidquid igitur Sotus dicat, licetum est camporem cambiare maiori pretio pecuniam soluendam in proximis nundinis, si tunc minus valuit: et, quam nunc valeat: sicut multo dans mensuram tritici, quæ nunc valet octo, soluendum eo tempore, quo valebit tantum quartuor, pacisci potest ut fibi dux meniūræ tunc soluantur, iuxta Cap. Nauanti. De usuris.

443. Ceterum contingit cambium esse sicutum, quoties in eo lucrum accipitur ob solam dilationem solutionis. Deinde quando interuenit mera fictio, quod pecunia alibi quam vbi recepta sunt, reddantur quia nulla tunc est pecunia transportatio, nec datur aliud quam tempus, propter quod accipiat lucrum. Contingit vero talis fictio. Primo, quando nullæ literæ mituntur, & singuntur mitti. Item quando mittuntur quidem, sed inane, & quæ absque effectu referuntur eo, vnde processerunt: vt eum camporū accepit Romæ pecuniam Lugduni soluendam, vbi nec pecuniam habeat, nec aliquem quilibet loco ipsius soluat. Tertio, quando camporū solutioni faciendæ locum statuit, in quo camparium, nec pecunias, nec amicū nec socium, nec aliam commoditatē soluendi habiturum nouit: adeo ut is cogatur pecuni-

am ibi soluere, vbi illam accepit. Quarto, quando camporū cogit campariū vt literæmittantur ad suum correspondēt, cum campariū ipse alibi habeat qui pro se soluat illuc, vbi est idem correspondens. In quibus casib[us] usura committitur accipiendo incrementum, quod datur in premium transportationis pecunia de loco in locum, cum tunc nulla fiat talis transportatio, neque actualis, neq[ue] virtualis negotiū sequuntur aliud quam mutui, campario præstetur: data in quā præfenti pecunia, eo absente tantummodo secundum tempus: pro quo obsequio incrementum accipere, usurarium est. De his quæ definita habentur in ante memorata Bulla Pij V. videri possunt Nauar. in cit. nū. 283. Sotus in 6. de iust. & iure quest. 10. art. 1. Caiet. in tomo 2. opus. tract. 7. cap. 1.

QVÆSTIO VIII.

Quid in particulari tenendum sit de cambio minuto,

Hæc quæstio querit explicationem aliquod dubiorum, quæ de istiusmodi cambio proponuntur.

PRIMVM EST. Vnde iustificetur lucrum quod camporū accipit ex tali cambio? Ad quod respondendum est, iustificari, nō quidem ex eo, quod in illo detur pecunia pro pecunia, sicut nec in mutuo: sed ex alii causis quæ in sequentium dubiorum explicatione proponentur: præcipue autem ex obsequiis quæ camporū ipse impedit in utilitatem illorum qui cambium ab ipso exposunt: ita etiam merentur stipendium, pro eisque citra iniustitiam posse aliquid moderatum supra sortem accipi ab eo, qui in officio cambiandi constitutus à Repub. communis Doctorum sententia est, vt polt Sylu. usura 4. quest. 7. habet Couar. in collatione v. terum humismatum c. 7. n. 4. & expressit Nauar. in Enchir. c. 17. n. 283. lit. D.

Immo possit etiam a priuato, nisi aliunde sit legitimū impedimentum, teneat cum iisdem tres in iisdem locis, tum etiam Angelus usura 1. §. 52. Rosel. usura 6. n. 6. Sot. lib. 6. de iust. & iure quest. 9. art. viii. o. concl. 1. vbi Caietanum contra sententem in citate cap. primo & sequenti 6. ex eo reprehendit, quod si talis cambio sit de se licita, vt cum ceteris Caiet. ipse fatetur, nulla sit ratio cur etiam priuatum non licet eam exercere. Eamque communem sententiam esse alii adhuc citatis nota Luid. Molin. de iust. & iure tract. 2. disput. 399. §. Dubium est. Veruntamen si tale quid à Magistratu interdiceretur priuatis, peccatum esset contravenire, cum obligatione ad restitutionem: vt in sequenti. conclu. 3. idem Sotus habet. Cui non videtur quoad obligationem ad restituitionem assentendum esse (nisi forte in penam lex reddere in capacem ad lucrum in eo factum fibi retinendum) quandoquidem contraveniens, nec Reipub. nec campario damnum inferit, cum, vt supponimus, non accipiat plus quæ ei sit debitum, in stipendiū, ex comuni pretiorū estimatione iustū.

In qua estimatione notandum est minus deberi illi, quam camporū à Repub. instituto, cui ex officio plura incumbunt onera, & præsertim, quod tanquam depositarius teneatur in gratiam campariorum apud se habere, & custodiare multas ac varias pecunias. Notandum est quoque (ex Sylu. in citate questione 7. ver. 3. Rosella loco ante notato, & Gabr. in 4. dist. 15. quest. 11. dub. 12.) priuatum, si ex huiusmodi cambio nullum interesse patiatur, vel periculum notable, nec magnam iacturam temporis faciat in numerando, nec meliorem monetam det quam accipiat, nec cambiandi onus ferat obligatus ex iustitia illud obire, nihil lucrari posse; cum ratio desit propter quam ei licet lucrari; unde quod lanus, capo, aut alius abundans minuta pecunia, cum ei offertur aureus nummus pro ea permutandus (quæcumque malit aurum habere, quam talem pecuniam) aliquid accipit: nec à peccato, nec ab obligatione restituendi excusat, vt ibidem expressit Gabriel. Excede nisi mere liberality datum sit, vt fieri potest ex honestate.

SECUNDVM DVBIUM EST. An licitum sit lucrum, quod camporū facit dando pro moneta, que non currit hic vbi cambit, aut certe minus valet, quam in alia regione, vbi poterit illam dilatrehere? Ad quod, per grauitatē Medinae Cod. de acquisitione per usuram quest. 7. sub finem, & à Caiet. in supra cit. opus. 7. cap. 6. respondendum est affirmatiuē, polo quod serueretur premium pro quo talis pecunia currit vbi

fit cambium. Nec minus detur quam ipsa valeret, quoad materiam ex qua constat. Probatur, quia in eonnulla datur iniustitia; quandoquidem de facto est venditio quadam; in qua ex una parte pecunia data accipitur ut res, & quasi merx quedam; & ex alia, pecunia redditur, quae sit pretium iustum, saltem pium seu insimum. Quod si ea esset infra infinitum pretium iustum, quo deberet prior pecunia ad limari, iniustitia committeretur, & consequenter datur obligatio ad restitutionem.

TERTIUM DVBIVM EST. Vtrum licet campori hac cambij specie venti, aliquando in maiori valore computare pecuniam, quam taxatus fuerit quando cassa est nec interea talis taxatione mutuata fuerit auctoritate publica.

Dicendum est primo, quod si ex consuetudine, aut alia legitima de causa, pecuniae valor qui prescriptus est a Principe, non sit ita stabilis ac fixus, quin pro ipsarum, aut ipsas quantum multitudine, vel paucitate crescat, & decrecet ad instar mercium non taxatarum legi (sicut videlicet rursum in Gallicis scutis aureis, quorum taxatio quidem est. 60. solidorum: sit tamen ut valeant, aliquando 6 + solidos; aliquando etiam plures iuxta variatem ipsorum, & alias circumsanctias occurrentes) tunc nulli dubium esse quin camporū licite possit talem pecuniam iuxta incrementum currentis computare: quandoquidem pecunia eiusmodi non habet legem statutum valorem stabilem ac fixum: sed variabilem pro varia ratione circumstantiarum.

Dicendum est secundo, quod si valor pecuniae taxatus auctoritate seu ordinatione publica fuisse sit, ut plerumque solet, tunc etiam ratione lucri cessantis, camporum ultra illud aliquid accipere posse: nempe si paratum haberet aliquam monetam transportandam ad eum locum ubi ea plus valerent moneta quam pro auris recipit, non currat in regno in quo empturus est merces, ita ut impediatur ab emendo (vide lucrum ei cessabit) aut certe emere non possit nisi amissa parte valoris suarum monetarum. In quibus casibus primumito campario, potest camporū pro commutatione talis monetæ, tantum accipere quanti estimari debet interesse quod inde patitur: siue damni emergentis, siue lucri cessantis; nam cum lictum sit in mutuo, quod omnes concedunt, non autem in cambio seruare se indemnum, nulla ratio redipotest.

Dicendum est tertio, quod si pecunia quam petis à campore, ratione materiae, tunc temporis plus valeat, quam sit taxa definita Principe lege, aut communis patriæ consuetudine: non satis constare an licet campori aliquid amplius capere, nimurum quantum eadem pecunia ratione materiae plus valeret. De quare Medina quidem in Cod. De acquisitione per usuram q. 7. contendit, quod quādiū publica taxatione monetæ vim habet, nefas sit plus accipere quam taxatum fuerit ipsam valere, quantumcumque ex materia ut ex auro propriorum sit, quam aliae in eodem valore ordinarie currentes: atque adeo aptior sit ad sanitatem, & ad alias commoditates. Rationem reddit: quia tunc cum monetæ valor per legem, vel communem patriæ consuetudinem taxatur, habetur quoque ratio eiusmodi communitatum.

Sotus vero in lib. 6. De iust. & iure q. 9. art. vno concl. i. Sylla. 7. Syra. 4. q. 3. Couar. in collatione veterum numismatum, cap. 7. numer. 3. contra sentiunt, & merito, quia certis paribus metallum praestans, & ad plures vñus accommodatus ex se pluris estimatur, neque suam illam qualitatem amittit ex eo, quod sit signatum, & rationem monetæ habeat. Quare quoties in aliquo loco, pro aurii frusto quod signatum non esset, nec monetæ rationem haberet, accipietur incrementum pretij ultra illud, quod pro moneta eiusdem ponderis, lege taxatum est, licet quoque item incrementū acciperetur pro moneta illius ponderis & bonitatis. Neq; enim aquitas patitur, ut materia monetæ, ex eo quod sit signata signo publico, inferioris valoris sit, quam alioqui ipsa sit in le, & quam alia ei in pondere & qualitate similis, conlectetur esse, neque eam fuisse mentem legislatoris credendum est.

Ad rationem autem pro Medina factam, respondet: Principe cum determinat valorem nummorum, non intendere taxationem illorum facere secundum omnem rationem illorum, & quoad omnem usum quem habere pos-

sunt: sed solum secundum rationem formalem, quae est, mensuram esse rerum venalium, & solutionis debitorum. Pro quo facit quod videamus auris nummis ciudem speciei (non obstante quod aliorum māteria melior sit, & aliorum deterior) auctoritate Principe constitutum esse parentem valorem seruandum in facienda solutione mercium & debitorum. Secundum rationem vero ipsorum materialem, seu ratione conditionum quae habent ex materia, puta ratione puritatis, vel raritatis, vel commoditatis, vel antiquitatis, vel figuræ, non sunt taxati: sed reliqui sunt vulgari estimationi; quia sicut materia excellentior non redacta in monetā continuo crescit in valore; ita & materia moneta, quae est illi omnino similis. Vnde sit ut tūc cetera vis legis impediens ascendere in pretio talis moneta; quia nimurum valor illius taxatus non fuit tanquam rei cuiusdam, sed tanquam pecuniae mensuræ rerum venalium, & solutionis debitorum.

Quanquam tamen non grauate concesserim Medinæ, quod illi in pecuniis eiusdem metalli & signi, modica tantum diuersitas sit in natura, quoad puritatem metalli; aut si materia melioris monetæ non excedat pretium eidem monetæ à lege taxatum: tunc legem & quale pretium utriusque monetæ constituentem, seruandam esse tanquam iustum: quia non est contentaneum, ut ob quamcumque rerum modicam varietatem lex varietur: aliqui de rebus humanis, quarum tanta est inconstans, nulla certa lex dari possit. Aduerte vero obiter, non reprehendi tanquam illicitum, quod estimatione nummorum crescat supra taxam Principe, ex appretiatione & usu vulgi (Principe ipso non contradicente) propter materiam puritatem, vel pondus, vel quia in locis vicinis pluris estimantur.

POSTREMUM DVBIVM EST. An si ceconomus aut procurator, vel alius quia domino accepit pecunias ad aliquid emendum, vel ad debitum soluendum, vel pro aliqua fabrica, eas cum aliis hoc genere cambii permitet lucrum accipiendo; an inquam possit licite id ipsum lucrum sibi referuare? De quo plenius Molina in cit. tract. 2. disp. 402. Tenendum autem est, quod possit; quia tale lucrum est ex ipsius industria, labore, & opera. Neque obest esse ex aliena pecunia, iuxta legem. Si ex ea, Cod. De rei vindicatione: nec quod destinata ad solutionem creditoris faciendam: quia talis species pecuniae non erat ei debita, & in alia soluitur ei sufficienter. Si tamen ea fuerit mens domini, ut suo creditor illa species pecuniae traderetur ad gratificandum ei, dandamque occasionem lucrati: & peccaret tunc ceconomus, & tenetur refarcire damnum lucri cessantis, si quod creditor inde acceperit.

C A P V T XXXIV.

De Cambio locali, & à nundinis ad nundinas.

S V M M A R I V M.

- 451 Varij modi cambij localis.
452 Licitum est lucrum ex cambio, quo suscipitur onus pecunianum acceptam transportandi in alium locum.
453 Quod verum est, etiamsi transportatio sit tantum virtuosa.
454 Quod sit iustum pretium in eiusmodi cambio.
455 Cum camporū ilud capere possit, non obstat quod tali pecunia oget.
456 Licitum est cambium in quo camporū dat pecuniam, ut alibi recipiat.
457 Quod procedit quantumcumque pecuniam acceptam non transferat alio.
458 Refutatio eorum quae oīci possunt in contrarium.
459 Mala fides, siue camparij, siue camporus in tali casu, inducit obligationem ad rei solutionem.
460 Explicatio dubij, an sit licitum lucrum in cambio locali, cum camporū et pecunia in loco ad quem debet pecuniam a campario acceptam transmittere.
461 Quid tenendum sit de cambio locali; quando siue lege, siue consuetudine, in uno loco plus valoris taxatum est pecuniae, quam in alio.